



ԱՌԱՋՆՈՐԴԱՐԱՆ ՀԱՅՈՑ

Ա.Ս. ՆԱՀԱՆԳՆԵՐՈՒ ԱՐԵՄՏԵԱՆ ԹԵՄԻ

WESTERN PRELACY

OF THE ARMENIAN APOSTOLIC CHURCH OF AMERICA

H.E. ARCHBISHOP MOUSHEGH MARDIROSSIAN, PRELATE

Tel: 818-248-7737/8, Fax: 818-248-7745

E-mail: Prelacy@aol.com Website: www.westernprelacy.org



ԱԶԳԱՅԻՆ ԱՌԱՋՆՈՐԴԱՐԱՆԻ «Ս. ՏՐԴԱՏ ԵՒ Ս. ԱՇԽԷՆ» ՄԱՏՐԱՆ
ԱՆՈՒԱՆԱԿՈՉՈՒԹԵԱՆ ՏՕՆԻՆ ԱՌԹԻՄ ՄԱՏՈՒՑՈՒՄԾ Ս. ՊԱՏԱՐԱԳԻՆ

Ս. ԱՇԽԷՆ ԹԱԳՈՒՅԻՆ ՀԱՄԱՏՔԻՆ ՆՄԱՆ ԱՍՈՒՐ ՊԱՅԵՆՔ ՀԱՅ ԸՆՏԱՆԵԿԱՆ ՕՃԱԿԸ

ՊԱՏԳԱՄԵՅ ԱՌԱՋՆՈՐԴ ՍՐԲԱԶԱՆԸ

- **ՏԻԿԻՆ ԱՇԽԷՆ ՓԻԼԱՒՃԵԱՆ 15,000 ՏՈԼԱՐԻ ՆՈՐ ՆՈՒՐԱՏՈՒԹԻՒՆ
ՍԸ ԿԱՏԱՐԵՑ ԱԶԳԱՅԻՆ ԱՌԱՋՆՈՐԴԱՐԱՆԻՆ**

«Հայաստան աշխարհը հպարտանալու արդար պատճառ ունեցած է, առաջին քրիստոնեայ թագաւորն ու թագուհին՝ Ս. Տրդատն ու Ս. Աշխէնը ծնած ըլլալուն համար. անոնք իրենց քրիստոնեական օրինակելի վարքով ու բարեսիրական գործերով մինչեւ օրս հայ քրիստոնեայ ընտանիքներու համար կը հանդիսանան ներշնչման աղբիւր», պատգամեց Թեմիս բարեխնամ Առաջնորդ Բարձր. Տ. Սուշեղ Արք. Մարտիրոսեան, Ս. Տրդատ եւ Ս. Աշխէն տօնին առիթով իր մատուցած եպիսկոպոսական հանդիսաւոր Ս. Պատարագի ընթացքին:

Հայ ժողովուրդի արքայական առաջին քրիստոնեայ ընտանիքին տօնը հանդիսաւորապէս եւ արժանապէս տօնախմբուեցաւ Շաբաթ, 11 Յուլիսի երեկոյեան, Ազգային Առաջնորդարանի մատրան մէջ, որ, ինչպէս ծանօթ է, կը կրէ առաքինի թագաւորին ու թագուհիին անունները:

Ս. խորանին սպասարկեցին Հոգշ. Տ. Վաղինակ Վրդ. Մելոյեան եւ Հոգշ. Տ. Պարթեւ Վրդ. Կիւլիմեան: Ս. Պատարագի երգեցողութիւնը կատարեցին Ազգ. Առաջնորդարանի «Լուսաւորիչ» երիտասարդաց երգչախումբի անդամները:

Ս. Պատարագին ներկայ էին Հոգեւորականաց Դասու անդամներ, Ազգ. Կեդրոնական Վարչութեան անդամ Տիար Խաժակ Տիքիճեան, Ազգային Վարչութեան ու ժողովականութեան ներկայացուցիչներ, մատրան բարերարուհին՝ Տիկին Աշխէն Փիլաւճեան, Ազգային Առաջնորդարանի բարերարներ, ինչպէս նաեւ բազմաթիւ հաւատացեալներ:

Մատրան մայր դուռը վերջերս գեղազարդուեցաւ խաչքարի պատկերով ապակեայ արուեստի գործով մը, ի յիշատակ Չապել Պասմաճեանի: Առ այդ, Ս. Պատարագէն անմիջապէս առաջ տեղի ունեցաւ

մատրանս մայր դրան օժման արարողությունը, ի ներկայութեան բարերար ընտանիքին:

Ս. Պատարագի ակարտին, Առաջնորդ Սրբազանն ու հոգեւորականաց դասը ուղղուեցան սրահ, ուր տեղի ունեցաւ մատաղի օրհնութիւն:

Իր քարոզին սկզբնաւորութեան, Առաջնորդ Սրբազանը ողջունեց ներկայութիւնը յարգելի հիւրերուն ու հաւատացեալներու բազմութեան: Այնուհետեւ, ան անդրադարձաւ տօնին պատմական հիմքերուն՝ Ս. Տրդատ թագաւորի հեթանոսական ու դաժան կեանքին, անոր դիմաց, Ս. Աշխէն թագուհիին ամուր հաւատքին ու ընտանեկան պատիւն ու միութիւնը պահպանելու օրինակելի վարքին, ապա նաեւ՝ թագաւորին քրիստոնէութեան դարձին, Յայաստանին ու Յայ ժողովուրդին թագաւորական ընտանիքին մատուցած ծառայութիւններուն ու բարեսիրութեանց: Սրբազանը կոչ ուղղեց ներկաներուն, ըսելով. «Ս. Աշխէն թագուհիին հաւատքին նման ամուր պահենք հայ ընտանեկան օճախը»: Ապա իր քարոզը ակարտեց մեր հաւատքի հօր՝ Ս. Գրիգոր Լուսաւորիչի հետեւեալ աղօթքով. «Օրհնեա՛լ է քու անբաւ մարդասիրութիւնդ, Տէ՛ր իմ Յիսուս Քրիստոս: Ինչո՞ւ կը լքես զիս. եթէ մեղքերուս համար է, Դո՛ւն միայն առանց մեղքի ես, եւ անունդ իսկ անոխակալութեան ու մարդասիրութեան ցուցանիշ է:

«Գթա՛ ինծի, որովհետեւ Դո՛ւն միայն մարդասեր ես:

«Փրկե՛ զիս, որ մեղքերու մէջ ինկած եմ, որովհետեւ Դո՛ւն միայն մեղք չունիս:

«Վերցո՛ւր զիս անօրէնութեանս տիղմէն, որպէսզի յաւիտեան ընկղմած չմնամ հոն:

«Ազատե՛ զիս թշնամիէս, որովհետեւ ան առիւծի նման կը մռնչէ, եւ կ'ուզէ զիս կլլել:

«Արդ, Տէ՛ր իմ, Քու շանթահարող փայլատակումովդ կործանե՛ անոր զօրութիւնը. թող վախնայ եւ խաւարին պէս չքանայ Քու ներկայութենէդ, որովհետեւ ան տկար է եւ անզօր՝ դիմադրելու ո՛չ միայն Քեզի, այլ նաեւ ամէն անոնց՝ որոնք Քեզ կը սիրեն: Երբ խաչիդ նշանին զօրութիւնը կը տեսնե՛ կը զարհուրի, եւ ամօթով կը հեռանայ բոլոր անոնցմէ, որոնք Քեզի կը դիմեն:

«Այժմ, Տէ՛ր, փրկե՛ զիս եւ կեանք տուր ինծի, որովհետեւ Քեզի՛ ապաւինեցայ: Այս նեղութենէն դո՛ւրս բեր զիս, որպէսզի չըլլա՛յ թէ զիս յաւիտենական կորուստի մատնէ նենգաւորը, որ ծածուկ հնարքներով հետս կը մարտնչի:

«Դուն, որ տերն ես խորհուրդներուն, եւ կը քննես սիրտերն ու միտքերը, զգուելի ու պիղծ խորհուրդներէն մաքրե՛ սիրտս ու մտածումներս, որպէսզի յաւիտենական կորուստով ի սպառ չկորսուիմ:

«Դուն, որ ամենակարող ես, գթա՛ ինծի, ո՛վ իմ Աստուածս: Տո՛ւր ինծի՛ մեղանչած հոգիիս՝ արտասուքի շնորհքը, որպէսզի լուամ անթիւ մեղքերս, եւ փրկուիմ չար հրեշտակներու ձեռքէն, որոնք անողորմ կերպով գեհենի կրակին մէջ կը նետեն ամբարիշտը:

«Երանի՛ թէ միշտ լայի՛ աղաչելով Քեզի, ո՛վ Աստուած, որպէսզի այն ժամուն՝ երբ վերստին պիտի գաս՝ անարժան չգտնուիմ եւ չլսե՛մ ահաւոր վճիռդ՝ «*Յեռացի՛ր ինձմէ, անօրէնութեան մշակ, չե՛մ գիտեր՝ ուրկէ՛ ես*»:

«Բարձրեա՛լ Աստուած, միայն Դո՛ւն անմեղ ես: Դատաստանի օրը Քու առատ գթութի՛ննդ շնորհէ մեղաւորիս, որպէսզի ծածուկ ամբարշտութիւններս չյայտնուին տեսողներուն՝ հրեշտակներուն եւ հրեշտակապետներուն, մարգարէներուն եւ արդար սուրբերուն:

«Փրկե՛ զիս՝ ամբարիշտս, Քու ողորմութեանդ պարգեւով: Չիս երանաւետ դրախտեղ ներս ընդունե՛ կատարեալ արդարներուն հետ: Ընդունե՛ մեղաւոր ծառայիդ աղօթքները՝ բարեխօսութեամբը սուրբերուն, որոնք Քեզի հաճելի եղան, ո՛վ մեր Տէրը Յիսուս Քրիստոս, որ օրհնեալ ես Յօրը եւ Սուրբ Յոգիին հետ, յաւիտեանս յաւիտենից: Ամէն»:

Ապա Սրբազան Յայրը յայտարարեց, թէ մատրանս բարերարուհին՝ Տիկին Աշխէն Փիլաւճեան, որուն անուանակոչութեան տօնն է միաժամանակ, տօնական այս առիթով, Ազգային Առաջնորդարանիս կը կատարէ 15,000 տոլարի նոր նուիրատուութիւն մը:

Արարողութեան աւարտին, ներկաները երգեցին «Կիլիկիա» եւ «Մեր Յայրենիք» մաղթերգները, որուն յաջորդեց կոկիկ հիւրասիրութիւն մը:

NAME DAY OF THE PRELACY CHAPEL CELEBRATED WITH DIVINE LITURGY AND THE BLESSING OF MADAGH

- MRS. ASHKHEN PILAVJIAN MAKES A \$15,000 DONATION

On Saturday, July 11th, 2009, the Feast of St. Dertad and St. Ashkhen was celebrated at the Prelacy Chapel, which bears the name of the first Christian king and queen of Armenia.

H.E. Archbishop Moushegh Mardirossian, Prelate, celebrated Divine Liturgy, delivered the sermon, and later conducted the blessing of *madagh*. Very Rev. Fr. Vaghinag Meloian and Very Rev. Fr. Barthev Gulumian assisted at the altar, while the “Lousavorich” youth choir participated in the singing.

Among those in attendance were clergy members, Central Executive Council member Mr. Khajag Dikijian, Executive Council members, Chapel benefactress Mrs. Ashkhen Pilavjian, sponsors, and nearly two hundred faithful.

Immediately preceding the Liturgy, the Prelate consecrated the new stained glass which adorns the main door of the Chapel and which was recently installed in memory of Mrs. Zabel Basmajian. Members of the late Mrs. Zabel Basmajian’s family were present for the ceremony.

Following Divine Liturgy the Prelate and clergy members headed to the “Dikran and Zarouhie Der Ghazarian” Hall where the blessing of *madagh* took place.

In his sermon the Prelate reflected on the historical origins of the feast, the paganism of King Dertad, which was in stark contrast to the staunch faith and strong family values of Queen Ashkhen, and the subsequent conversion of King Dertad to Christianity. The Prelate called on the faithful to keep their faith and family ties strong in the example of St. Ashkhen and concluded his sermon with a prayer by St. Gregory the Illuminator.

The Prelate then announced that on this joyous occasion Mrs. Ashkhen Pilavjian had made a new donation of \$15,000.

The evening came to a close with the singing of the Cilician and National anthems. A reception followed.